

Broj: 10/E-11-4720/26
Sarajevo, 01-09-2026 . godine

Na osnovu člana 70. stav (1), (2), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana Rješenjem Općinskog načelnika, broj: 10-45-150/26 od 06.03.2026. godine (u daljem tekstu: Komisija II), u postupku javne nabavke: Usluge pranja i vulkanizerske usluge za motorna vozila u vlasništvu Općine Centar Sarajevo, putem konkurentskog zahtjeva za dostavu ponuda (Zapisnik o pregledu i ocjeni ponuda broj: 10/E-11-4720/26 od 27.08.2026. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača **“TAMEK-SON COMPANY” d.o.o. Sarajevo**, ulica Drinska broj 164, 71000 Sarajevo, broj ponude: 134/06 od 18.08.2026. godine, za usluge pranja i vulkanizerske usluge za motorna vozila u vlasništvu Općine Centar Sarajevo, putem konkurentskog zahtjeva za dostavu ponuda, po cijeni od 565,00 KM bez PDV-a (*zbir jediničnih cijena*), odnosno u ukupnom iznosu od 661,50 KM sa PDV-om (*zbir jediničnih cijena*).
- II.** Ugovorni organ će sa izabranim ponuđačem zaključiti okvirni sporazum na period od 2 (dvije) godine, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
Maksimalna vrijednost okvirnog sporazuma za cijeli period njegovog trajanja iznosi 6.837,60 KM bez PDV-a i ista se ne može prekoračiti.
- III.** Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Obrazloženje

Postupak javne nabavke usluga pranja i vulkanizerskih usluga za motorna vozila u vlasništvu Općine Centar Sarajevo, pokrenut je Odlukom Općinskog načelnika o pokretanju postupka javne nabavke, putem konkurentskog zahtjeva za dostavu ponuda, broj: 10/E-11-4720/26 od 14.08.2026. godine. Predmet nabavke nije podijeljen je na LOT-ove.

Ukupna procijenjena vrijednost javne nabavke iznosi 6.837,60 KM bez PDV-a za cijeli period trajanja okvirnog sporazuma.

Obavještenje o nabavci: 848-7-2-133-3-191/26 objavljeno je dana 14.08.2026. godine na Portalu javnih nabavki (www.ejn.gov.ba).

U krajnjem roku za predaju ponuda određen tenderskom dokumentacijom (26.08.2026. godine do 10:00 sati), na adresu Ugovornog organa primljena je jedna ponuda ponuđača **“TAMEK-SON COMPANY” d.o.o. Sarajevo**.

Neblagovremeno pristiglih ponuda nije bilo.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristigle ponude.

Nakon što je utvrđena blagovremenost i urednost dostave, pročitane je cijena ponude, kako slijedi:

R/b	Ponuđač	Ukupno bez PDV-a (zbir jediničnih cijena)	Popust (%/KM)
1.	"TAMEK-SON COMPANY" d.o.o. Sarajevo	565,00	/

Nakon izvršenog javnog otvaranja ponude, Komisija II je na zatvorenom sastanku pristupila detaljnom pregledu i analizi dokumentacije priložene uz ponudu, s ciljem utvrđivanja njene prihvatljivosti u pogledu oblika, sadržaja i potpunosti, provjere kvalifikacija ponuđača, ocjene tehničke prihvatljivosti ponude, kao i njene usklađenosti s tenderskom dokumentacijom, Zakonom o javnim nabavkama i odgovarajućim podzakonskim propisima.

Na osnovu uslova i zahtjeva iz tenderske dokumentacije koji se odnose na kvalifikaciju ponuđača, Komisija II je, nakon izvršenog pregleda ponude i dokumentacije, jednoglasno utvrdila da ponuđač ispunjava sve formalno-pravne, tehničke i profesionalne uslove propisane tenderskom dokumentacijom.

Komisija II je izvršila i detaljnu računsku provjeru pristigle ponude u postupku javne nabavke pod nazivom „Usluge pranja i vulkanizerske usluge za motorna vozila u vlasništvu Općine Centar Sarajevo” te konstatovala da je ponuda računski ispravna i da je ukupna cijena ponude s PDV-om pravilno obračunata.

S obzirom na to da je predmetna ponuda pripremljena u skladu sa zahtjevima ugovornog organa, Komisija II ju je ocijenila prihvatljivom u smislu člana 2. stav (1) tačka I) alineja 1. Zakona o javnim nabavkama.

U daljem toku postupka Komisija II je izvršila analizu i ocjenu dostavljene prihvatljive ponude prema kriteriju za dodjelu ugovora „najniža cijena”, shodno članu 64. stav (1) tačka b) Zakona o javnim nabavkama.

R/b	Ponuđač	Ukupno bez PDV-a (zbir jediničnih cijena)
1.	"TAMEK-SON COMPANY" d.o.o. Sarajevo	565,00

Na temelju vrednovanja i rangiranja, u skladu s kriterijem „najniža cijena” i članom 64. stav (1), tačkom b) Zakona o javnim nabavkama, utvrđen je sljedeći poredak:

Rang	Ponuđač	Ukupno bez PDV-a (zbir jediničnih cijena)
1.	"TAMEK-SON COMPANY" d.o.o. Sarajevo	565,00

Shodno svemu naprijed izloženom, Komisija II je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Ponuđača **"TAMEK-SON COMPANY" d.o.o. Sarajevo**, ulica Drinska broj 164, 71000 Sarajevo, broj ponude: 134/06 od 18.08.2026. godine, putem konkurentskog zahtjeva za dostavu ponuda, po cijeni od 565,00 KM bez PDV-a (zbir jediničnih cijena), odnosno u ukupnom iznosu od 661,50 KM sa PDV-om (zbir jediničnih cijena), za usluge pranja i vulkanizerske usluge za motorna vozila u vlasništvu Općine Centar Sarajevo.

Sa izabranim ponuđačem će se zaključiti Okvirni sporazum na period od 2 (dvije) godine kojim će se detaljnije regulisati međusobna prava i obaveze ugovornih strana u skladu s tenderskom dokumentacijom i prihvaćenom ponudom.

Planirana maksimalna vrijednost za predmetne usluge iznosi 6.837,60 KM bez PDV-a za cijeli period trajanja okvirnog sporazuma i ista se ne može prekoračiti.

Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH”, br. 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda

broj: 10/E-11-4720/26 od 27.08.2026. godine



Dostaviti:

1. Ponuđaču: "TAMEK-SON COMPANY" d.o.o. Sarajevo
ulica Drinska broj 164, 71000 Sarajevo
2. Službi za zajedničke i tehničke poslove
3. Kabinetu općinskog načelnika – Odsjeku za javne nabavke
4. Službi za finansije
5. U spis